

# 庶物類纂

草屬  
自三十五至三十七

容

太政官文庫			
和書門	特別類	一三六二號	茅子番函
		四六五册	

五十七内

共卅

内閣文庫	
番號	和 32362
冊數	465(14)
函號	特 54 1




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂草屬卷之三十五目次

酸桶

毛蓼

馬蓼

蘇州府印

庶物類纂

卷三十五


草屬目次

酸桶

俗名異他禿里


草屬

酸桶




酸桶

酸桶笋生密縣韶華山山間邊初發笋葉其後分生  
 莖又科苗高四五尺莖稈似水荳莖而紅赤色其葉  
 似白槿葉而澀又似山格刺菜葉亦澀紋脉亦麤味  
 甘微酸殺飢採嫩笋葉燂熟水浸去邪味淘淨油鹽  
 調食明徐光啓  
農政全書  
 謹按鹽豉樹亦名酸桶與此不同



毛蓼




毛蓼

毛蓼主癰腫疽癩癰疥<sub>ノ</sub>碎<sub>レ</sub>內<sub>レ</sub>瘡中<sub>ニ</sub>引<sub>キ</sub>膿血<sub>ヲ</sub>生<sub>ス</sub>肌<sub>ヲ</sub>亦  
 作<sub>テ</sub>湯<sub>ヲ</sub>洗<sub>フ</sub>瘡<sub>ヲ</sub>兼<sub>テ</sub>濯<sub>テ</sub>足<sub>ヲ</sub>治<sub>ス</sub>脚<sub>ノ</sub>氣<sub>ヲ</sub>生<sub>ス</sub>山<sub>ノ</sub>足<sub>ニ</sub>似<sub>ニ</sub>馬<sub>ノ</sub>蓼<sub>ノ</sub>葉<sub>ニ</sub>上<sub>ニ</sub>有<sub>レ</sub>毛  
 冬根不死也唐陳藏器本草拾遺  
 毛蓼此即蓼之生<sub>ル</sub>于<sub>レ</sub>山麓者非澤濕之蓼也明李東壁本草  
 綱目

馬藜

一名大藜  
本草綱目  
一名墨記草  
同上

俗名異孺他鐵



馬蓼

陶隱居云馬蓼生下溼地莖班葉大有黑點亦有兩  
三種其最大者名龍鼓音即是茲草已在上卷中品  
唐本注云茲一名龍鼓大者名歸丘軌切則最大者不

名龍鼓陶誤呼之嘉祐補註本草

臣禹錫等謹按蜀本圖經云馬水二蓼葉俱闊大上  
有黑點同上

馬水二種葉俱闊大上有黑點本草圖經

馬蓼凡物大者皆以馬名之俗呼大蓼是也高四五

尺有大小二種但每葉中間有黑跡如墨點記故方

土呼為墨記草明李東壁本草綱目

馬蓼又名大蓼生下溼地高四五尺莖斑葉大中有

黑跡如墨點記其最大者名水荏草也明倪朱謨本草彙言

蓼子擇細葉者是若川蓼則大葉葉中有青點宜細

辨之明王有堂證治準繩

蠶芮草

蠶苳草

蠶苳草味辛平無毒主蠶及諸蟲如蠶類咬人恐毒  
入腹煮汁服之生瘡傳瘡生溼地如蓼大莖赤花白  
東土亦有之陳藏器餘○宋唐  
慎微證類本草

庶物類纂草屬卷之三十六目次

荇

水蘇

赤車使者

爵林

薺寧

水蘇

一名雞蘇

名醫別錄

一名勞祖

同上

一名芥菹

同上

一

名芥苴

同上

一名臭蘇

嘉祐補註本草

一名青白蘇

同上

一名香蘇

本草綱目

一名龍腦薄荷

同上

一名大薄

荷

邵武府志

水蘇

水蘇陶隱居云方藥不用俗中莫識九真遼遠亦無能訪之唐本注云此蘇生下溼水側苗似旋復兩葉相當大香馥青齊河間人名為水蘇江左名為齊葢吳會謂之雞蘇主吐血衄血下氣消穀大效而陶更於菜部出雞蘇誤矣臣禹錫等按此菜部也而唐注者為誤也今以雞蘇之一名復申吐血衄血崩六字也臣禹錫等謹按蜀本圖經云葉似白薇兩葉相當花生節間紫白色味辛而香六月採莖葉日乾陳藏器

云薺薺葉上有毛稍長氣臭除蟻蟻按碎傳之亦主  
 冷氣洩痢可為生菜除胃間酸水孟詵云雞蘇一名  
 水蘇熟搗生菜綿裹塞耳療聾又頭風目眩者以清  
 酒煮汁一升服產後中風服之彌佳可燒作灰汁及  
 以煮汁洗頭令髮香白屑不生又收乾釀酒及漬酒  
 當服之佳日華子云雞蘇暖治肺痿崩中帶下血痢  
 頭風目眩產後中風及血不止又名臭蘇青白蘇嘉祐  
補註  
本草  
 水蘇生九真池澤今處處有之多生水岸傍苗似旋

復兩葉相當大香馥青薺間呼為水蘇江左名為薺  
 薺吳會謂之雞蘇南人多以作菜主諸氣疾及腳腫  
 江北甚多而人不取食又江左人謂雞蘇水蘇是兩  
 種陳藏器謂薺薺自是一物非水蘇水蘇葉有鴈齒  
 香薺氣辛薺薺葉上有毛稍長氣臭主冷氣洩痢可  
 為生菜除胃間酸水亦可搗傳蟻蟻亦有石上生者  
 名石薺薺紫花細葉高一二尺味辛溫無毒主風血  
 冷氣并瘡疥痔漏下血竝煮汁服山中人多用之  
本草

圖經

水蘇氣味與紫蘇不同辛而不和然一如蘇但面不

紫及周圍槎牙如鴈齒香妙

宋冠宗爽  
本草衍義

謹按香妙一本作香少

水蘇此草似蘇而好生水旁故名水蘇其葉辛香可  
以煮鷄故有龍腦香蘇鷄蘇諸名芥菹芥苴當作芥  
蘇乃是一名而誤錄爾亦因味辛如芥故名宋惠民  
和劑局方有龍腦薄荷丸專治血病元吳瑞日用本  
草謂即水蘇必有所據也周憲王救荒本草言薄荷  
即鷄蘇以生東平龍腦岡者為良故名陳嘉謨本草

蒙筌以薄荷種於蘇州府學地名龍腦者得名俱不

同何哉

明李東壁  
本草綱目

水蘇薺葶一類二種爾水蘇氣香薺葶氣臭為異水

蘇三月生苗方莖中虛葉似蘇葉而微長密齒面皺

色青對節生氣甚辛烈六七月開花成穗如蘇穗水

紅色穗中有細子狀如荊芥子可種易生宿根亦自

生沃地者苗高四五尺

同上

水蘇曰雞蘇曰勞祖曰芥菹曰芥苴曰臭蘇曰青白

蘇今人皆呼雞蘇亦呼水蘇不可食

宋鄭夾滌昆  
蟲草木畧

水蘇一名鷄蘇或言鷄蘇水蘇是兩種宋羅願爾雅翼

水蘇子生下溼地莖淡紫色對生莖又葉亦對生其

葉似地瓜葉而窄邊有花鋸齒三叉尖葉下兩傍又

有小叉葉稍開花黃色其葉微辛救飢採苗葉燂熟

油鹽調食明徐光啓農政全書

水蘇俗名龍腦薄荷也一字菴蘭此有二種一種名

南薄荷葉稍厚而小無花實醫家多以龍腦為重葉

似菴而尖長有花實其根俱經冬不死夏秋採莖葉

暴乾亦堪生食明許奇周藥性奇方

薄荷一種葉如苧葉微小而尖上有縐文深綠色莖

方高四五尺開花作穗色微紫土人謂之大薄荷考

之本草圖經謂又有胡薄荷與本經所載薄荷相類

但味少甘為別生江浙間彼人多以作茶飲之疑即

此也邵武府志

水蘇此即紫蘇也好生水旁故名水蘇葉色白者名

菴青者即薺薺清張志聰醫學要訣

謹按以水蘇為紫蘇誤也

荏

一名蕪陶隱居註 一名白蘇本草圖經 一名公蕪楊子方  
 一名善郭璞方

苳

苳陶隱居云苳狀如蘇高大白色不甚香其子研之  
 雜米作糜甚肥美下氣補益東人呼為魚音以其似  
 蘇字但除禾邊故也笨其子作油日煎之即今油帛  
 及和漆所用者服食斷穀亦用之名為重油唐本注  
 云別錄苳葉人常生食其子故不及蘇也今按陳藏  
 器本草云苳葉擣傳蟲咬及男子陰腫江東以苳子  
 為油北土以大麻為油此二油俱堪油物若其和漆  
 苳者為強爾臣禹錫等謹按蓋說云苳子其葉性溫

用時搗之治男子陰腫生痔和醋封之女人綿裹內三四易蕭炳云又有大荏形似野荏高大葉大小荏一倍不堪食人收其子以充油絹帛與大麻子同其小荏子欲熟人採其角食之甚香美大荏葉不堪食日華子云荏調氣潤心肺長肌膚益顏色消宿食止上氣欬嗽去狐臭傳蛇咬子下氣止嗽補中填精髓

嘉祐補註本草

蘇有數種有水蘇白蘇魚蘇山魚蘇皆是荏類本草圖經白蘇方莖圓葉不紫亦甚香實亦入藥同上

紫蘇白蘇皆二三月下種或宿子在地自生其莖方其葉團而有尖四圍有鉅齒肥地者面背皆紫瘠地者面青背紫其面背皆白者即白蘇乃荏也明李東璧本草

綱目

荏草即蘇之色白者別錄主欬逆下氣溫中去臭氣今市家以此偽充紫蘇入發散藥大誤不可不辨明倪

朱謨本草彙言

蘇若葉面背俱色白者即荏草名白蘇也子不甚香而葉頗辛同上

白蘇莖葉俱淡綠色種法與紫者同其性喜糞須頻澆只收子味淡而鬆脆作糖纏食佳別有野蘇研取煎湯盥浴亦有香氣子細而黑不可食亦無用

致富全書

荇子所在有之生園圃中苗高一二尺莖方葉似薄荷葉極肥大開淡紫花結穗似紫蘇穗其子如黍粒其枝莖對節生東人呼為蕪音魚以其蘇字但除木邊故也味辛性溫無毒救飢採嫩苗葉煤熟油鹽調食子可炒食又研雜米作粥甚肥美亦可榨油用

明徐光啓

農政全書

面背皆白即白蘇也同上

荇子白者良黃者不美荇即今白蘇子也同上

三月可種荇蓼荇子白者良黃者不美荇性甚易生蓼尤宜水

畦種也荇則隨宜園畔漫擲便歲自生矣荇子秋末成可收蓬於醬中藏之蓬荇角也實成則惡其多種者如種

穀法雀甚嗜之必須收子壓取油可煮餅荇油色綠近人家種上矣可愛其氣

香美煮餅亞胡麻油而勝麻子脂膏麻子脂膏並有腥氣然荇油不可為澤焦入髮研為羹臙美於麻子遠矣又可以為燭良地十石多為帛煎油彌佳種博穀則倍收於諸田不同也荇油性淳

蘇物類編 卷三十一 荇 四

塗一帛勝麻油○後魏賈思勰齊民要術

荏陶隱居云荏狀似蘇而高大白色不甚香其子研之雜米作糜甚肥美下氣補益江東人呼為魚音以其似蘇字但除禾邊也荏其子作油煎之即今油帛及和漆所用者服食斷穀亦用之名為重油蓋江東以荏子為油北土以大麻為油又其名為蕪似是蘇中魚蘇耳蕭炳云有大荏形似野荏高大葉大於小荏一倍不堪食人收其子以充油絹帛其小荏子欲熟人採其角食之甚香美蘇荏之屬宜近人種以

小鳥好食之禽經曰者不上桑櫻活者不下荏

言鳥之食含桃者乃不下顧荏耳宋羅願爾雅翼

今蘇有數種皆是荏類白蘇方莖圓葉不紫亦甚香

實亦入藥同上

荏曰蕪似蘇而高大葉不可食惟子可壓油及雜米

作糜甚肥美宋鄭夾深昆蟲草木略

白蘇子香肥可充果供江重修靖縣志

白蘇莖葉俱淡綠色種法與紫者同性喜糞須頻澆味淡而鬆但可作糖纏食別有野蘇取煎湯盥浴而

已清石巖逸叟增  
定致富奇書

赤車使者

一名小錦枝  
炮灸論

草屬 赤車使者 一

赤車使者

赤車使者唐本注云苗似香葉蘭香葉莖赤根紫赤  
色生溪谷之陰出襄州八月九月採根日乾唐本先附臣

禹錫等謹按蜀本圖經云根紫如舊根生荊州襄州

山谷二月八月採嘉祐補注本草

又有赤車使者條云似香葉蘭香葉莖赤根紫赤色

生溪谷之陰出襄州八月九月採根日乾古方治大

風溼痺等赤車使者酒主之今人稀用亦鮮有識之

者因附見於此本草圖經赤地利條

赤車使者此與爵牀相類但以根色紫赤為別爾明李

東璧本草綱目

上古辟瘟疫邪氣有赤車使者丸此藥不怪苟加詢

采必能得之但古今名稱或不同耳同上

赤車使者元名小錦枝劉宋雷斅炮炙論

爵牀

一名赤眼老母草唐本草 一名香蘇嘉祐補註本草

名爵麻本草綱目


爵林

爵林唐本注云此草似香葉葉長而大或如荏且細  
生平澤熟田近道傷甚療血脹下氣又主杖瘡汁塗  
立差俗名赤眼老母草今按別本注云今人名爲香

蘇嘉祐補  
註本草

爵林原野甚多方莖對節與大葉香葉一樣但香葉  
搓之氣香而爵林搓之不香微臭以此爲別明李東  
璧本草

綱目



薺葶

一名臭蘇 本草綱目 一名青白蘇 同上

俗名肥己和哥施 山城州

薺葶

水蘇唐本注云此蘇生下溼水側苗似旋復兩葉相  
當大香馥青齊河間人名為水蘇江左右為薺葶吳  
會謂之雞蘇嘉祐補註本草

陳藏器云薺葶葉上有毛稍長氣臭同上

陳藏器謂薺葶自是一物非水蘇水蘇葉有鴈齒香  
藟氣辛薺葶葉上有毛稍長氣臭主冷氣洩痢可為  
生菜除胃間酸水亦可擣傳蟻螻亦有石上生者名  
石薺葶紫花細葉高一二尺味辛温無毒主風血冷

氣并瘡疥痔漏下血並煮汁服山中人多用之

本草圖經

日華子釋水蘇云一名臭蘇一名青白蘇正此草也

誤作水蘇爾其形似水蘇而臭似白蘇而青故有二

名明李東壁本草綱目

薺葶處處平地有之葉似野蘇而稍長有毛氣臭山

人茹之味不甚佳同上

水蘇薺葶一類二種爾水蘇氣香薺葶氣臭為異同上

薺葶即蘇之色青者陳藏器主冷氣洩痢除胸中酸

水明倪朱謨本草彙言

盧不遠先生曰三蘇同一種類但有家時野生及色

香氣味之殊故主治功力似異而同也皆宜于水質

都柔潤雖色香氣味稍分厚薄而辛溫芳烈則一當

以本經紫蘇為正顧蘇之有荏有薺若木之有蒼有

白也同上

蘇若面青背白者即薺葶也葉上有毛而氣臭同上

庶物類纂  
卷三十一

庶物類纂草屬卷之三十七目次

荊芥

薄荷

香薷

庶物類纂  
卷三十一

草屬目次

原物類集

荆芥

一名假蘇

神農本草

一名鼠莫

同上

一名薑芥

名醫別錄

蘇物類集

草屬

荆芥

一

本草綱目卷之六十一

荊芥

假蘇陶隱居云方藥亦不復用唐本注云此藥即菜中荊芥是也蓋荊聲訛耳先居草部中今人食之錄在菜部也今按陳藏器本草云荊芥去邪除勞渴出汗除冷風煮汁服之搗和醋傅丁腫臣禹錫等謹按蜀本注引吳氏本草云名荊芥葉似落葵而細蜀中生噉之嘉祐補註本草

假蘇荊芥也生漢中川澤今處處有之葉似落葵而細初生香辛可噉人取作生菜古方稀用近世醫家

無物願慕

卷三十一

草屬

荊芥

二

治頭風虛勞瘡疥婦人血風等為要藥並取花實成穗者暴乾入藥亦多單用効甚速又以一物治產後血暈築心眼倒風縮欲死者取乾荊芥穗搗篩每用末二錢匕童子小便一酒盞調熱服立效口噤者挑齒閉者灌鼻中皆効近世名醫用之無不如神云醫官陳巽處江左人謂假蘇荊芥實兩物假蘇葉銳圓多野生以香氣似蘇故名之蘇恭以本經一名薑芥薑荊聲近便為荊芥非也又有胡荊芥俗呼新羅荊芥石荊芥體性相近入藥亦同

本草圖經

陳藏器一名薑芥即今之荊芥是也薑荊語訛耳按張鼎食療云荊芥一名析莫本經既有荊芥又有析莫如此二種定非一物析莫是大薺大薺是葶藶子陶蘇大誤與假蘇又不同張鼎亦誤爾荊芥本功外去邪除勞渴主丁腫出汗除風冷煮汁服之杵和酢傳丁腫新注云產後中風身強直取末酒和服差

慎微證類本草

按吳普本草云假蘇一名荊芥葉似落藜而細蜀中生取之普乃東漢末人去別錄時未遠其言當不謬

故唐人蘇恭祖其說而陳士良蘇頌復啓為兩物之疑亦臆說爾曰蘇曰薑曰芥皆因氣味辛香如蘇如

薑如芥也明李東璧本草綱目

荆芥原是野生今為世用遂多栽蒔二月布子生苗炒食辛香方莖細葉似獨帚葉而狹小淡黃綠色八月開小花作穗成房如紫蘇房內有細子如葶藶子狀黃赤色連穗收採用之同上

汪機本草會編言假蘇是白蘇亦誤矣白蘇乃菘也

見後同上

荆芥入足厥陰經氣分其功長於祛風邪散瘀血破結氣消瘡毒蓋厥陰乃風木也主血而相火寄之故風病血病瘡病為要藥其治風也賈丞相稱為再生丹許學士謂有神聖功戴院使許為產後要藥蕭存敬呼為一捻金陳無擇隱為舉鄉古拜散夫豈無故而得此隆譽哉按唐韻荆字舉鄉切芥字古拜切蓋二字之反切隱語以祕其方也又曰荆芥反魚蟹河豚之說本草醫方並未言及而稗官小說往往載之按李廷飛延壽書云凡食一切無鱗魚忌荆芥食黃

鱈魚後食之令人吐血惟地漿可解與蟹同食動風  
 又蔡條鐵山叢話云予居嶺嶠見食黃鱧魚犯薑芥  
 者立死甚於鈎吻洪邁夷堅志云吳人魏幾道啖黃  
 鱧魚羹後采荊芥和茶飲少頃足痺上徹心肺狂走  
 足皮欲裂急服藥兩日乃解陶九成輟耕錄云凡食  
 河豚不可服荊芥藥大相反予在江陰見一儒者因  
 此喪命韋航細談云凡服荊芥風藥忌食魚楊誠齋  
 曾見一人立致於死也時珍按荊芥乃日用之藥其  
 相反如此故詳錄之以為警戒又按物類相感志言

河豚用荊芥同煮三五次換水則無毒其說與諸書  
 不同何哉大抵養生者寧守前說為戒可也同上  
 華佗愈風散治婦人產後中風口噤手足癱瘓如角  
 弓或產後血暈不省人事四肢強直或心眼倒築吐  
 瀉欲死用荊芥穗子微焙為末每服三錢豆淋酒調  
 服或童子小便服之口噤則挑齒灌之斷噤則灌入  
 鼻中其效如神大抵產後太眩則汗出而腠理疎則  
 易於中風也時珍曰此方諸書盛稱其妙姚僧坦集  
 驗方以酒服名如聖散云藥下可立待應效陳氏方

名舉卿古拜散蕭存敬方用古老錢煎湯服名一捻  
金王既指迷方加當歸等分水煎服許叔微本事方  
云此藥委有奇效神聖之功一婦人產後睡久及醒  
則昏昏如醉不省人事醫用此藥及交加散云服後  
當睡必以左手搔頭用之果然咎殷產寶方云此病  
多因怒氣傷肝或憂氣內鬱或坐草受風而成急宜  
服此藥也戴原禮證治要訣名獨行散賈似道悅生  
隨鈔呼為再生丹同上  
寇氏曰荆芥本草呼為假蘇又云薑芥因其氣味辛

芳如蘇如薑如芥也今在處有之多野生古方稀用  
今為俗尚遂多栽蒔二月布子生苗方莖細葉狹  
小而色淡黃若綠似落蘆而細初生炒食香辛可噉  
或作生菜八月開小花作穗成房房內有細子如葶  
藶子色黃赤連穗收用又有胡荆芥生北地又有石  
荆芥生山石間體性相近入藥亦同明倪朱謨  
本草彙言  
荆芥本草名假蘇一名鼠蕒一名薑芥生漢中川澤  
及岳州歸德州今處處有之莖方窠面葉似獨掃葉  
而狹小淡黃綠色結小穗有細小黑子銳圓多生野

中以香氣似蘇故名假蘇味辛性平無毒救飢採嫩苗葉燂熟水浸去邪氣油鹽調食初生香辛可噉人取作生菜醃食明徐光啓農政全書

又有假蘇者亦以香氣似蘇故名蘇說者云假蘇即荊芥或曰假蘇葉銳而圓非荊芥也宋羅願爾雅翼

荊芥穗為末以酒調下二三錢凡中風者服之立愈前後甚驗是日順兒疾已革以酒滴水中調一服服之立定真再生也宋賈似道悅生隨

荊芥一名假蘇本草謂性溫不然實微涼吾竄嶺嶺

久數見食黃頰魚偶犯荊芥者必立死甚於鈞吻毒矣物性相反有可畏如是世人於食禁殆不可不知百衲居士鐵圍山叢談○宋張杲醫說

食黃頰魚不可服荊芥吳人魏幾道志在妻家啖黃魚羹罷採荊芥和茶而飲少焉足底奇痒上徹心肺

跣足行沙中馳宕如狂足皮皆破欲裂急求解毒藥餌之幾兩日乃止同上

余治一婦人新產後七日為將息失宜膝理不密偶因風寒所侵身熱頭痛兩眼反視手足癱癱名曰羸

無物願慕 草屬 荊芥 七

風用荊芥穗一味新瓦上焙乾為細末豆淋酒調下  
二錢其疾即愈古人珍祕此方隱藥其名故曰舉卿  
古拜散蓋用韻之切語舉卿為荊故拜為芥曾公談  
錄謂之再生丹亦神之也明俞弁續醫說  
荊芥味辛溫莖高尺許開花成穗八閩通志  
荊芥穗出陽江陽春封川本名假蘇葉尖有刻齒  
而作皺紋方梗開細紫花氣辛療諸瘡肇慶府志  
荊芥一名假蘇以其香似也細莖者佳江陰縣志  
荊芥葉似落藜而細一名假蘇重修靖江縣志

薄荷

一名菴蘭本草圖經 一名南薄荷本草衍義 一名雞蘇  
救荒本草 一名吳菴蘭食性本草 一名龍腦薄荷本草單方  
一名薄荷致富全書 一名菱茄甘泉賦 一名菱苦林字  
一名蕃荷千金方 一名藜蘭通雅 一名藜蘭同上  
名藜荷同上

本草綱目 卷三十七

薄荷

薄荷唐本注云莖葉似荏而尖長根經冬不死又有蔓生者功用相似唐本先附臣禹錫等謹按藥性論云薄荷使能去憤氣發毒汗破血止痢通利關節尤與薤作菹相宜新病差人勿食令人虛汗不止嘉祐補註本草薄荷舊不著所出州土而今處處皆有之莖葉似荏而尖長經冬根不死夏秋採莖葉暴乾古方稀用或與薤作齏食近世醫家治傷風頭腦風通關格及小兒風涎為要切之藥故人家園庭間多蒔之又有胡

無物類纂 卷三十七

草屬

薄荷

二

薄荷與此相類，但味少甘為別。生江浙間，彼人多以作茶飲之。俗呼新羅薄荷。近京僧寺亦或植一二本者。天寶方名連錢草者是。石薄荷生江南山石上，葉微小，至冬而紫色。此一種不聞有別功用。凡新大病差人不可食薄荷，以其能發汗，恐虛人耳。字書作接

蘭本草  
圖經

薄荷世謂之南薄荷，為有一種龍腦薄荷，故言南以別之。小兒驚風壯熱，須此引藥。貓食之即醉，物相感爾。治骨蒸熱勞，用其汁與衆藥熬為膏。宋寇宗奭本草衍義

薄荷一名雞蘇。莖方，葉似荏子葉，小頗細長，又似香菜，葉而大開細碎，黯白花。其根經冬不死，至春發苗，味辛苦，性溫無毒。一云性平。東平龍腦崗者尤佳。又有胡薄荷與此相類，但味少甘為別。生江浙間，彼人多作茶飲，俗呼為新羅薄荷。又有南薄荷，其葉微小，救饑採苗葉，燂熟，換水浸去辣味，油鹽調食，與薤音齋作羹，食相宜。煎豉湯、暖酒和飲，煎茶並宜。新病瘥人勿食，令人虛汗不止。貓食之即醉，物相感爾。明周憲王救荒

草本

薄荷俗稱也。陳士良食性本草作菝茀。楊雄甘泉賦作菱菝。呂沈字林作菱苦。則薄荷之為訛稱可知矣。孫思邈千金方作蕃荷。又方音之訛也。今人藥用多以蘇州者為勝。故陳士良謂之吳菝茀。以別胡菝茀也。明李東璧本草綱目

薄荷人多栽蒔。二月宿根生苗。清明前後分之。方莖赤色。其葉對生。初蒔形長而頭圓。及長則尖。吳越川湖人多以代茶。蘇州所蒔者莖小而氣芳。江西者稍粗。川蜀者更粗。入藥以蘇產為勝。物類相感志云。凡

收薄荷須隔夜以糞水澆之。雨後乃悉刈。收則性涼不爾不涼也。野生者莖葉氣味都相似。同上

蘇氏曰薄荷處處有之。惟蘇州產者莖小葉細香勝。諸方宛如龍腦。即稱龍腦薄荷。江右者莖肥。蜀漢者更肥。入藥總不及蘇產者良。吳越川湖以之代茗。一種葉圓小如錢。稱金錢薄荷。兒科多用之。一種葉微小耐霜雪。至冬莖葉純紫。生江南山石間。一種胡薄荷。形狀無異。但味小甜。多生江浙。新薄荷同。薤作薤。清爽可口。瘦弱人久食動消渴病。新病瘥人勿食。令

虛汗不止，貓食之醉。古稱薄荷為貓酒也。明倪朱謨本草彙言

龍腦薄荷，惟吳郡出處。居九龍之首，得名。餘即胡接

蘭，俗名暹羅接蘭耳。明鄭道昭重證本草單方

薄荷，一字接蘭，世謂之南薄荷，所以別龍腦薄荷也。

莖葉似荏，而尖長，莖方高二三尺，夏開紫白花，成穗

結小實，其根經冬不死。江南川澤處處有之，有時於

園圃庭院者，夏秋採莖葉暴乾，以紙封其梢，掛之亦

可入茶煎飲，四季宜食。餘說本草不載。明許奇用藥性奇方

薄荷，蘇產者良，又名雞蘇。清王栩握靈本草

鷄蘇，即薄荷也。明萬善保命歌括

雞蘇，即龍腦薄荷。明王可堂證治準繩

楊伯洪知黃州，忽一日早飯，覺有薄荷氣，食之後疑

素養白雞，黑犬就其內飼之，雞與犬俱斃，有孫來前

以匙數粒食之，晚亦斃。楊始驚急，服解毒藥，嘔血數

升，遂將庖者鞫之，乃云童德興投其藥，庖則荆湖制

司人，復改為飯局，童論之藥不驗，當以薄荷可發朝

廷知之。差中使齎金器，宣賜兼撫問。伯洪引庖者對

中使，自白本未中使亦驚，復奏童德興赴召慮事，覺

先飲藥而

宋張端義  
貴耳集

薄荷一名薄荷本草曰味辛苦氣涼性溫無毒主傷  
頭腦風發汗通利關節及小兒風涎驚風壯熱乃上  
行之藥病新瘥人食之令虛汗不止貓食之即醉出  
吾郡學宮前城中有卧龍街而郡學為龍首故又名  
為龍腦其香味較他處產者果勝法宜於清明內取  
舊根發芽者不甚喜肥止用清糞澆三四次小暑後  
斫青頭亦可泡湯曬乾尤妙或作糖纏或入糖蜜脆  
梅或澆糖成片名薄荷糖皆能佐酒明周文華  
致富全書

賽藍在達失干東西去撒馬兒罕千里城周三里四  
面平原草木長茂流水環繞五穀蕃殖秋夏間草生  
黑蜘蛛甚小毒甚齧人遍身痛號呼聲動地土人禳  
詛者口誦咒以薄荷枝拂中毒處又以鮮羊肝遍擦  
其體經一晝夜痛方息愈後皮膚如蛻脫牛馬被傷  
輒死行人宿必近水避之明鄭曉  
吾學編  
薄荷葉尖冬不死夏秋採莖葉暴乾八閩  
通志  
薄荷小大二種夏秋採莖葉暴乾性最清涼貓食之  
即醉汀州  
府誌

無勿頰慕

卷三十七

草屬

薄荷

六

薄荷楊雄甘泉賦作菱菹呂忱字林作菱苦陳士良  
食性本草作菘蘭孫思邈千金方作蕃荷二月生苗  
方莖紫色葉皆對生夏月可代茗飲入藥清頭咽喉

陸佃疏薄荷貓之酒肇慶府志

薄荷本草病差人食之不宜瓊州府志

薄荷本草云病瘥食之不宜雷州府志

薄荷土人園庭間多蒔此夏月或以作茶飲又用以

浸楊梅及梨俱涼沁異常萬曆杭州府志

薄荷一名龍腦蘇州擅名土產者亦可用九江府志

薄荷有二種葉黃者名曰金錢葉大如白苧者名曰

龍腦性溫興化府志

薄荷郡中有二種一種葉小而莖高尺餘經冬根不

死與各處所產及藥肆所賣者俱同土人謂之龍腦

薄荷一種葉如苧葉微小而尖上有縐文淡綠色莖

方高四五尺開花作穗色微紫土人謂之大薄荷考

之本草圖經謂又有胡薄荷與本經所載薄荷相類

但味少甘為別生江浙間彼人多以作茶飲之疑即

此也邵武府志

薄荷莖葉似荏而尖江陰縣志

薄荷圖經曰莖葉似荏而尖長經冬根不死字書作

菴蘭海澄縣志

薄荷出府學前南園為佳謂之龍腦薄荷歲貢京師

吳縣志

薄荷或作葵蘭葵荷葵菴葵菴葵菴葵菴○陳

士良食性本草作菴蘭楊雄甘泉賦攢并間與葵菴

呂忱字林引作葵菴孫思邈千金方作番荷參同契

注作葵蘭梅氏作葵蘭陳嘉謨作葵荷皆一物也蘇

州者佳可作茶飲俗呼新羅薄荷天寶單方所云連

錢草是也別錄積雪草即府薄荷其曰龍腦薄荷者

乃水蘇也陳嘉謨蒙筌謂因蘇州府學地名智謂因

溲律龍腦之香而名宜興取薄荷霜足稱溲律之亞


蘇頌言江南山茵陳又名龍腦薄荷乃石香葉也則

龍腦有三說矣朱光家以菴菴為瑞草乃採孫愔愔

抄玉篇耳明方以智通雅

薄荷蘇郡有卧龍街郡學為龍首故名龍腦其香味

辛涼直透人頂門較他處產者果勝種法於清明內



取舊根發芽者移栽不甚肥止用清糞澆三四次小暑後曬乾用之

清石巖逸叟增定致富奇書

薄荷蘇產者佳為龍腦薄荷其莖細而氣芳也另有  
一種胡薄荷本名積雪草其性寒涼可知俗呼地錢  
草葉圓如錢葉各生莖細而勁蔓生于溪澗陰處  
及宮院寺廟磚砌間主搗敷熱腫丹毒及煎洗風癩  
疥癬蓋亦非無用之物也

清顧元交本草彙纂

薄荷多栽時亦有野生者莖葉氣味皆相似也經冬  
根不死二月抽苗清明分株排種方莖赤節綠葉對

生初則圓長久則葉端漸銳夏秋采取日曝令乾先  
期灌以糞壤雨後方可刈收不爾氣味亦不辛涼矣  
吳越川湖以之代茗唯吳地者莖小葉細臭勝諸方  
宛如龍腦即稱龍腦薄荷江右者莖肥蜀漢者更肥  
入藥俱不及吳地者

吳地指蘇州即蒙筌所云種於蘇州府學名龍腦者是也○清

劉若金本草述

本草綱目卷之二十一

香薷

一名香薷嘉祐補 一名香戎同上 一名香薷草本

圖經 一名蜜蜂草本草綱目 一名香薷同上 一名香薷

孫公談圃

本草綱目卷之二十一

香薷

香薷音柔陶隱居云家家有此惟葉生食十月中取乾

之霍亂煮飲無不差作煎除水腫尤良臣禹錫等謹

按蕭炳云今新定新安有石上者彼人名石香薷細

而辛更絕佳嘉祐補註本草

香薷音柔舊不著所出州土陶隱居云家家有之今所

在皆種但北土差少似白蘇而葉更細十月中採乾

之一一作香薷俗呼香薷霍亂轉筋煮飲服之無不差

者若四肢煩冷汗出而渴者加麥子同切煮飲胡洽

治水病洪腫香葉煎取乾香葉五十斤一物對內釜中  
以水淹之水出香葉上一寸煮使氣力都盡清澄  
之嚴火煎令可丸一服五丸如梧子日漸增之以小  
便利好壽春及新安有彼間又有一種石上生者葉  
葉更細而辛香彌甚用之尤佳彼人謂之石香葉本  
經出草部中品云生蜀郡陵榮資簡州及南中諸處  
在山

香葉生山野荆湖南北二川皆有兩京作圃種暑月

亦作蔬菜治霍亂不可闕也

用之無不效葉如茵陳

花茸紫在一邊成穗凡四五十房為一穗如荊芥穗

別是一種香餘如經

宋寇宗奭本草衍義

香葉有野生有家蔣中州人三月種之呼為香葉以

充蔬品丹溪朱氏惟取大葉者為良而細葉者香烈

更甚今人多用之方莖尖葉有刻缺頗似黃荊葉而

小九月開紫花成穗有細子細葉者僅高數寸葉如

落蒂葉即石香葉也

明李東璧本草綱目

香葉一名香菜一名香茸一名香葉一名蜜蜂草有

無勿頁集 卷二十一 草屬 香葉 三

野生者有家時者方莖尖葉有刻缺似黃荊葉而小  
九月開紫花成穗有細子汴洛作圃種之暑月作蔬  
生茹十月采取乾之氣味辛微溫無毒下氣除煩熱  
療嘔逆冷氣脚氣寒熱明王蓋臣二如亭羣芳譜  
香菜生伊洛間人家園圃種之苗高一尺許莖方窠  
面四稜莖色紫稔葉似薄荷葉微小邊有細鋸齒亦  
有細毛梢頭開花作穗花淡藕褐色味辛香性溫無  
毒救飢採苗葉焯熟油鹽調食明徐光啓農政全書  
治心脾痛不可救者李德翁知丞傳香薷葉音廣韻音柔石

上生細葉如鍼者好尚香右二味等分為細末每服二三錢熱  
酒調下宋王珍百一選方

汀州地多香薷閩人呼為香薷公曰孰是予曰左傳  
言一薰一蕕十年尚臭杜預曰蕕臭草也漢書薰  
以香自燒顏籀曰薰香草也左氏以薰對蕕是不得  
為香草今香薷自甲拆至花時投穀俎中馥然謂之  
臭草可乎按本草香薷音柔味辛注云家家有之  
主霍亂今醫家用香薷正療此疾味亦辛但淮南為  
香薷閩中呼為香薷此非當以本草為證公曰信是

本草綱目

宋劉廷之  
孫公談圃

香薷似白蘇而葉細一作香薷生山谷石上者尤佳

八閩通志

香薷性堪辟暑福州府志

香薷本草作香薷又名香薷又名香薷又呼蜜蜂葉

葉如茵陳花茸紫連邊成穗凡四五十房為一穗如

荊芥穗而氣味不同江南以作菜茹嶺外只作解暑

藥肇慶府志

香薷生山巖石罅中苗高尺餘葉莖細而辛香寧波府志

香薷本草曰一名香薷似白蘇而葉細生山谷石上

者名石香薷更佳汀州府誌

陳年香薷治霍亂用一把加薑母一片煎濃服福州志

香薷一名香薷似水蘇而葉細江陰縣志

香薷性溫能治暑消煩止渴暖胃惟靈巖寺馬鞍嶺

下石垣中產者佳人家園圃種者稍劣雁山志

香薷一作香薷他處皆有獨大頂峰者長不盈寸其

香彌甚明謝肇淛鼓山志

香薷即香薷一名蜜蜂草方莖尖葉有刻缺似黃荊

葉而小九月開紫花成穗有細子汴洛人三月多作

圃種之以為暑月蔬菜生食亦可又暑月要藥清陳誤子

秘傳花鏡

香薰辛微溫無毒江西白花者良清張璐本經逢原

